

Jasmin Ademović, predsjedavajući Gradskog vijeća Grada Sarajeva

GRADA SARAJEVO
GRADSKO VIJEĆE

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 23 JUN 2022

Org. jed.	Broj	Pritok	Urednik
01-GV-02		1057/22	

U skladu sa Statutom Grada Sarajeva i Poslovnikom Gradskog vijeća, u funkciji gradskog vijećnika, podnosim inicijativu i predlažem Gradskom vijeću da je podrži i da postane inicijativom Gradskog vijeća.

Potrebno je da Grad Sarajevo u okviru svojih mogućnosti, formira radnu grupu za izradu sveobuhvatne dokumentacije potrebne za realizaciju projekta Grada Sarajeva "Čista i bistra Miljacka", a zasnovanog na Studiji „Čista rijeka Miljacka“ iz 2010. godine.

Radna grupa se treba sastojati od predstavnika Grada Sarajeva, Općine Centar, Stari Grad, Novo Sarajevo, Novi Grad, Agencije za sliv rijeke Save, Kantona Sarajevo (Ministarstvo privrede i Ministarstvo komunalne privrede, infrastrukture, prostornog uređenja, građenja i zaštite okoliša, KJKP „Vodovod i kanalizacija“, doo Sarajevo, KJKP „Rad“, doo Sarajevo), Zavoda za vodoprivredu, Fonda za zaštitu okoliša, Federalnog ministarstva okoliša, SERDA-e i Instituta za hidrotehniku Građevinskog fakulteta Univerziteta u Sarajevu.

Radna grupa bi bila zadužena za iniciranje i praćenje realizacije revizije Studije u dijelu koji se odnosi na sliv rijeke Miljacke, izrade konkretnih projekata, te njihove realizacije.

Obrazloženje

Grada Sarajevo je krajem prošle godine donijelo Odluku o pristupanju jedinstvenom Projektu sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njezinih pritoka na području grada Sarajeva „Čista rijeka Miljacka“.

Ovom odlukom je Grad Sarajevo jasno iskazao značaj koji daje realizaciji ovog projekta, a odlukom su, između ostalog, utvrđeni prioriteti za 2022. godinu. Također, Gradsko vijeće je dalo ovlaštenje gradonačelnici Grada Sarajeva i Pravobranilaštvu Grada Sarajeva da, u okviru svojih nadležnosti, poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta“.

Ovom odlukom se Grad Sarajevo, kao nosilac projekta, opredijelio da kroz odgovarajuće procese, utvrdi i planira potrebna sredstva za realizaciju Projekta „Čista rijeka Miljacka“ i osigura ih iz namjenskih sredstva u saradnji sa nadležnim organima Kantona Sarajevo, dijelom iz vlastitih sredstava, te dijelom iz saradnje na realizaciji ovog projekta sa gradskim općinama, drugim nivoima vlasti, kao i s odgovarajućim domaćim i međunarodnim namjenskim fondovima i drugim subjektima.

Budući da je Studija Čista rijeka Miljacka, urađena prije 12 godine i da su različiti nivoi vlasti, svako iz okvira svoje nadležnosti, realizirali određena projekte, stanje je u određenoj mjeri izmijenjeno.

S tim u vezi, potrebno je ponovno okupiti sve subjekte čija je obaveza upravljanje komunalnim sistemima i vodotocima koji su obuhvaćeni studijom, te druge subjekte koji stručnim znanjem mogu bitno doprinjeti i ubrzati proces izrade i realizacije ovog jedinstvenog i kompleksnog projekta od nemjerljivog interesa za građane Sarajeva, ali i zajednicu u cjelini.

U Sarajevu, 22.06. 2022. godine,

Jasmin Ademović, predsjedavajući Gradskog vijeća Grada Sarajeva

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 23 JUN 2022			
Org. jed.	broj	Prilog	Vrijednost
01-GV-02		1058/22	

GRADA SRAJEVO
GADSKO VIJEĆE

U skladu sa Statutom Grada Sarajeva i Poslovníkom Gradskog vijeća, u funkciji gradskog vijećnika, podnosim **inicijativu** nadležnim organima Kantona Sarajevo i KJKP RAD, d.o.o. Sarajevo da provedu kampanju/projekt „Mi smo Sarajevo“ – „Mi smo Rad“ koja ima dva osnovna cilja:

1. Povećanje prepoznatljivosti firme (brand awareness-a)
2. Edukacija stanovništva o KJKP Rad

Obrazloženje koncept kampanje

KJKP RAD preduzeće javnosti predstavljeno kao preduzeće čija je osnovna djelatnost prikupljanja, transporta i deponovanja komunalnog otpada na području Kantona Sarajevo, te najveći izazovi s kojima se preduzeće susreće je u vrijeme zimskog perioda jer građani/građanke nisu upoznati s određenim činjenicama.

Putem kampanje koja se predlaže želi se direktno komunicirati o svim djelatnostima te educirati građane/građanke Sarajeva o dugoročnim aktivnostima te projektima. Koncept #mismoSarajevo #mismoRad bi se odvijao u fazama. Koncept #mismoSarajevo #mismoRad se temelji na pogledu da su vi građani/građanke dijelom KJKP RAD. Uposlenici KJKP RAD-a mogu učiniti grad lijepim i čistim jednokratno, ali učešćem svih građana/građanki on može biti uvijek reprezentativan i čist. U samom konceptu fokus se stavlja na ruke koje su izvršioi usluge. Potaći građane da se opredijele da pokupe papirić s ulice i time potpomognu čišćem gradu, odnosno da odustanu od namjere da bace papirić koji će ga učiniti „prljavijim“.

Koncept jačanja prepoznatljivosti (brand awareness) o preduzeću bi išao u fazama:

I Faza

1. Redizajn i modernizacija web stranice
2. Uvođenje korisničkog servisa (Customer Servis)
3. Aplikacija KJKP RAD
4. Aplikacija za djecu RADKids

II Faza

1. Kampanja za povećanje prepoznatljivosti svih projekata iz prve faze
2. Predstavljanje aplikacije RADKids i izrada u suradnji s obrazovnim institucijama te korištenje u školama.

III Faza

1. Izrada video spota #mismoSarajevo #mismoRad
2. Brandiranje vozila KJKP RAD s ispisom kampanje
3. Kampanja povećanja prepoznatljivosti – digitalna kampanja putem društvenih mreža i Google Display kampanja
4. Informacije za medije
5. Gostovanje u medijima

IV Faza

1. Proljetno čišćenje grada Sarajeva sa građanima/građankama u suradnji s osviještenim influencerima koji će pozvati na aktivnost
2. Poziv građanima na takmičenje „Naš park je najljepši“
3. Poziv školama na takmičenje „Naše dvorište je najljepše“
4. Poziv školama za skupljanje plastičnih boca

Osnovni cilj KJKP RAD je povećanje prepoznatljivosti firme i edukacija građana/građanki.

1. Algoritmi društvenih mreže preferiraju kratke video-e,
2. Instagram i Tik Tok su postale dominantne platforme,
3. Publiku privlače kreativna rješenja koja imaju priču,
4. Facebook/Instagram Reels, Stories, Lives su najuspješniji za širenje publike.

Aktivnosti na društvenim mrežama

1. Kratke vide objave na Instagramu (Instagram Reels) su trenutno glavni način postizanja značajnog organskog dosega.
2. Instagram u prošlosti nije pokazao visoke rezultate kada su u pitanju bile posjete na web stranicu, ali Reels sadržaj bi mogao pomoći u boljem pozicioniranju KJKP RAD-a.
3. Važna napomena: Reels sadržaj koji uključuje osobu (lice) na ekranu ima do 60% bolje rezultate kad je u pitanju doseg i broj interakcija.

U Sarajevu, 22.06. 2022. godine,



Odbor za budžet i finansije

Broj: 04-GV-02-1052-1.1/22
Sarajevo, 23.06.2022. godine

Odbor za budžet i finansije Gradskog vijeća Grada Sarajeva, na 19. sjednici održanoj 23.06.2022. godine, u funkciji pripreme 17. sjednice Gradskog vijeća Grada Sarajeva, razmatrao je:

1. Informacija o svrsishodnosti realizacije Projekta zatvaranja terase objekta bazena, broj: 01-1-853/22 od 16.06.2022. godine

i podnosi Gradskom vijeću Grada Sarajeva sljedeći:

IZVJEŠTAJ

TAČKA 11.

Vijećnička pitanja i inicijative

Nakon uvodnog izlaganja i diskusije, te sažetka Predsjedavajućeg, Odbor za budžet i finansije je jednoglasno usvojio sljedeće **zaključke**:

Odbor za budžet i finansije sugeriše Gradskom vijeću Grada Sarajeva da donese **zaključke sljedećeg sadržaja**:

- Potrebno je da svi pravni subjekti čiji je osnivač Grad Sarajevo, prije započinjanja većih projektnih investicija i pokretanja bilo kakvih aktivnosti u tom smislu, pristupe izradi i pribavljanju elaborata o ekonomskoj opravdanosti i isplativosti te investicije.
- Gradsko vijeće Grada Sarajeva podržava stav organa JP „Olimpijski bazen Otoka“ d.o.o. Sarajevo da pristupe poništenju postupka javne nabavke radova i time Odluke o izboru najpovoljnijeg ponuđača u vezi sa predmetnim projektom zatvaranja terase, a uzimajući u obzir analize i procjene Ekonomskog instituta i sudskih vještaka iz kojih nedvojbeno proizilazi da projekat nema ekonomsku opravdanost za Javno preduzeće a ni za samog izvođača radova.
- Gradsko vijeće Grada Sarajeva upućuje inicijativu organima Kantona Sarajevo da kroz različite modalitete saradnje sistemski finansira/sufinansira rad i projekte JP „Olimpijski bazen Otoka“ d.o.o. Sarajevo, a uzimajući u obzir da je Kanton Sarajevo i ranije vršio sufinansiranje kako izgradnje objekta Bazena, tako i različitih sportskih manifestacija i aktivnosti kojima se promoviralo plivanje.
- Gradsko vijeće Grada Sarajeva upućuje inicijativu Vladi Kantona Sarajevo da se osmisli modalitet da se u nastavni plan i program osnovnih i srednjih škola uvrsti još jedan sedmični čas tjelesnog odgoja u okviru kojeg će se uvrstiti plivanje kao jedna od sistemskih aktivnosti.

PREDSJEDAVALJUĆI ODBORA

Namir Čomaga, s.r.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

PRIMALO: 21 JUN 2022			
Org. jed.	broj	Prilog	Vrijednost
01-0V-02	-	1060	/22

PREDMET: VIJEĆNIČKA INICIJATIVA

Poštovani, na osnovu člana 19. Poslovnika Gradskog vijeća Grada Sarajeva podnosim inicijativu da nadležna služba Gradskog vijeća uputi dopis/urgenciju prema Skupštini Kantona Sarajevo da se omogući legalizacija bespravno izgrađenih objekata na području našeg Grada, naravno tamo gdje je to regulacionim planovima moguće uraditi.

OBRAZLOŽENJE:

Bespravna gradnja je dugogodišnji problem Kantona Sarajevo, a samim tim i Grada Sarajeva. Tamo gdje postoje uslovi da se legalizuju bespravno izgrađeni objekti, treba pomoći našim građanima da riješe svoje egzistencijalno pitanje.

Ova inicijativa je usvojena na nedavno održanoj sjednici Općinskog vijeća Novo Sarajevo, a također imam informacije da su i neka druga Općinska vijeća usvojila inicijativu sličnog sadržaja. Apelujem na vladu Kantona Sarajevo i resorno Ministarstvo da donesu odluku o izmjenama i dopunama Odluke o legalizaciji građevina izgrađenih bez odobrenja za građenje i građevina privremenog karaktera te da se na taj način pozitivno riješe dugogodišnji problemi naših građana.

Molim kolegice i kolege Gradске vijećnike da se na 17 sjednici Gradskog vijeća **izjasne** o navedenoj inicijativi.

Unaprijed zahvalan

Gradski vijećnik
Korora Elvedin

Broj: 5/22
Datum: 29.6.2022.god.

Bosna i Hercegovina
Kanton Sarajevo - GRAD SARAJEVO

GRADSKO VIJEĆE

PRIMLJENO: 24 JUN 2022			
Org. jed.	Broj	Prilog	Vrijednost
01	GS-04	1061	22

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Gradsko vijeće Grada Sarajeva
n/r predsjedavajući, Jasmin Ademović

PREDMET: VIJEĆNIČKA INICIJATIVA

Poštovani,

Na molbu većeg broja građana Grada Sarajeva pokrećem inicijativu da se na zvaničnoj web stranici KJKP „VIK“ objavi:

- Spisak ulica koje imaju stare, azbestne, kancerogene vodovodne cijevi
- Dužinu azbestnih vodovodnih cijevi po ulicama
- Plan zamjene azbestnih cijevi

Prioriteti zamjene trebaju biti azbestne vodovodne cijevi koje se nalaze u ulicama u kojima se nalaze vrtići, osnovne i srednje škole.

Prema nezvaničnim podacima više od 30% vodovodnih cijevi u Gradu su stare, azbestne, kancerogene, vodovodne cijevi koje često pucaju.

Nedavno je pukla glavna vodovodna azbestna cijev u ulici Branislava Nušića u kojoj se nalazi osnovna škola sa najvećim brojem učenika koji koriste vodu.

Molimo da nam na pokrenutu inicijativu dostavite odgovor i mišljenje u skladu sa rokovima predviđenim Poslovníkom.

S poštovanjem,

Gradska vijećnica Grada Sarajeva

Enisa Spahić, s.r.

Bosna i Hercegovina-Federacija Bosne i Hercegovine
Kanton Sarajevo · GRAD SARAJEVO
GRADSKO VIJEĆE

PRIMLJENO: 24 JUN 2022			
Org. jed.	amq	Prilog	Vrijednost
01-GV-04-1062/22			

Broj: 2/22
Datum: 29.06.2022.god.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Gradsko vijeće Grada Sarajeva
n/r predsjedavajući, Jasmin Ademović

PREDMET: VIJEĆNIČKA INICIJATIVA

Poštovani,

Molim nadležne da dostave informaciju, da li postoji ovlaštena i certificirana firma za prikupljanje građevinskog otpada koji sadržava azbest na području Grada Sarajeva odnosno u Kantonu Sarajevo?

S poštovanjem,

Gradska vijećnica Grada Sarajeva

Enisa Spahić, s.r.